



Projekat finansira
Evropska unija

Regionalni program lokalne demokratije na Zapadnom Balkanu ReLOaD



u partnerstvu sa Grad Tuzla

Izveštaj o održanom II mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD) u Gradu Tuzla

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD)[1]u saradnji sa Gradom Tuzla, u četvrtak 3. oktobra 2019. godine u trajanju od 12.00 do 14.00 sati održan je **drugi** od četiri planirana mentorska sastanka za zainteresovane predstavnike/ce organizacija civilnog društva (OCD).

Sastanku su, pored mentora i predstavnika Grada Tuzle, prisustvovala/e 11 učesnika/ca iz 10 organizacija civilnog društva. Sedam osoba su bile ženskog, a četiri muškog spola. Iako je ovo bio drugi mentorski sastanak većina prisutnih je prvi puta prisustvovala mentorstvu. Ta činjenica je uslovlila da se u prvom dijelu sastanka ponove neki od osnovnih elementa i kriterija javnog poziva. Ponovno je istaknut značaj odabira ciljne grupe, činjenicu da se gro aktivnosti treba odvijati na području Grada Tuzle, te nužnosti uklapanja projektne teme u prioritete javnog poziva. Ovaj put je dio pitanja bio vezan za sam proces implementacije te je učesnicima još jednom skrenuta pažnja da u ovom trenutku fokus njihovog rada treba biti kreiranje jasnog i razumljivog prijedloga projekta.

Drugi dio mentorskog sastanka je bio posvećen analizi logičkih okvira dijela pripremljenih od strane dijela organizacija koje su prisustvovala mentorskom sastanku. Svaki od logičkih okvira se detaljno analizirao i date su sugestije vezano za daljnja poboljšanja. Generalno govoreći može se reći da još uvijek ne postoji jasno razumjevanje interventne logike, uloge specifičnog cilja, očekivanih rezultata i aktivnosti. Posebno je uočljivo da nije bilo povezanosti između aktivnosti i rezultata odnosno na koji način određene aktivnosti dovode do ostvarenja rezultata. U tom kontekstu su data dodatna pojašnjenja i kroz ilustrativne primjere pokazano na koji način se povezuju aktivnost i očekivani rezultati. Učesnicima je sugerisano da dodatnu pažnju posvete numeraciji unutar logičkog okvira kako bi projekat učinili razumljivijim i preglednijim.

Većina ideja koja su prezentirana su bila prilično široko postavljena, i zbog toga je učesnicima sugerisano da razmisle o tome da svoje projektne ideje suze odnosno da se kroz projektni prijedlog fokusiraju na rješenje jednog konkretnog i uočljivog problema. Učesnicima je takođe sugerisano na potrebu da projektne ideje budu sa jedne strane jednostavne i razumljive ali takođe da se treba voditi računa o tome da u sebi imaju dozu inovativnosti i da se kroz njih treba moći prepoznati šta novo donose svojoj ciljnoj grupi

Naredna mentorska sesija održaće se u četvrtak, 10. oktobra u 12.00 sati u Sali za sastanke u prizemlju Gradske uprave.